

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი**

ბრძანება N01-02/172

ქ. ბათუმი

12 ოქტომბერი, 2021 წ.


2021-2022 სასწავლო წლიდან ბსუ-ს „დიპლომირებული მედიკოსის“
ინგლისურენოვან საგანმანათლებლო პროგრამაზე ჩარიცხვის უფლებამოპოვებულ
პირთან გასაფორმებელი ხელშეკრულების ფორმის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13, 66-70-ე მუხლების, „ბსუ-ს სასწავლო პროცესის მარეგულირებელი წესის დამტკიცების შესახებ“ ბსუ-ს აკადემიური საბჭოს 2015 წლის 8 ოქტომბრის №111 დადგენილების, „ბსუ-ს საბუნებისმეტყველო მეცნიერებებისა და ჯანდაცვის ფაკულტეტის დიპლომირებული მედიკოსის საგანმანათლებლო პროგრამის (ინგლისურენოვანი) დამტკიცების შესახებ“ ბსუ-ს აკადემიური საბჭოს 2019 წლის 22 აგვისტოს N06-01/105 დადგენილების, „ბსუ-ს საბუნებისმეტყველო და ჯანდაცვის ფაკულტეტზე დიპლომირებული მედიკოსის ინგლისურენოვან საგანმანათლებლო პროგრამაზე სწავლის საფასურის განსაზღვრის თაობაზე“ ბსუ-ს წარმომადგენლობითი საბჭოს 2019 წლის 11 ოქტომბრის N07-01/44 გადაწყვეტილების, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესის დამტკიცების შესახებ ბსუ-ს წარმომადგენლობითი საბჭოს 2015 წლის 29 სექტემბრის N6 გადაწყვეტილების, „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების წარდგენისა და განხილვის წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 29 დეკემბრის N224/მ ბრძანების, „ბსუ-ში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების ჩარიცხვის წესის დამტკიცების შესახებ“ ბსუ-ს აკადემიური საბჭოს 2018 წლის 1 მარტის N34 დადგენილების, „ბსუ-ს უცხოენოვან საგანმანათლებლო პროგრამაზე სწავლის საფასურის გადახდის წესის დამტკიცების თაობაზე“ ბსუ-ს წარმომადგენლობითი საბჭოს 2019 წლის 22 ნოემბრის N07-01/47 გადაწყვეტილების (ცვლილება 02.06.2021 წლის N07-01/20 გადაწყვეტ.) საფუძველზე

3 ბ რ ძ ა ნ ე ბ :

1. დამტკიცდეს ბსუ-ს „დიპლომირებული მედიკოსის“ ინგლისურენოვან საგანმანათლებლო პროგრამაზე ჩარიცხვის უფლებამოპოვებულ პირთან გასაფორმებელი ხელშეკრულების თანდართული ფორმა (დანართი 1).
2. გასაფორმებელი ხელშეკრულების 2.4. პუნქტში მიეთითოს იმ იურიდიული პირის (კომპანიის) ზუსტი დასახელება, რომელთანაც ბსუ-ს მიერ გაფორმებული სტუდენტთა მოზიდვის თაობაზე მემორანდუმის ფარგლებში თანამშრომლობის შედეგად აპლიკანტმა მოიპოვა ბსუ-ს „დიპლომირებული მედიკოსის“ ინგლისურენოვან საგანმანათლებლო პროგრამაზე ჩარიცხვის უფლება.
3. წინამდებარე ბრძანებით დამტკიცებული ფორმის შესაბამისად ხელშეკრულებები გაფორმდეს ბსუ-ს აკადემიური საბჭოს 2018 წლის 1 მარტის N34 დადგენილებით დამტკიცებული „ბსუ-ში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების ჩარიცხვის წესისა“ და ბსუ-ს აკადემიური საბჭოს 2015 წლის 8 ოქტომბრის №111 დადგენილებით დამტკიცებული „ბსუ-ს სასწავლო პროცესის მარეგულირებელი წესის“ მოთხოვნათა დაცვით.
4. წინამდებარე ბრძანებით დამტკიცებული ხელშეკრულების ფორმა ითარგმნოს ინგლისურ ენაზე (გადაეგზავნოს თარჯიმანს).
5. წინამდებარე ბრძანებით დამტკიცებული ხელშეკრულების ფორმის გაცნობა (გადაეგზავნა) ბსუ-ში სწავლით დაინტერესებული პირებისათვის და ასევე უცხოელი აბიტურიენტების მოზიდვის მიზნით ბსუ-სთან გაფორმებული მემორანდუმის მე-2 მხარისათვის - კომპანიისათვის (ე.წ. ასეთის არსებობის შემთხვევაში), უზრუნველყოს ბსუ-ს სტრატეგიული განვითარებისა და საგარეო ურთიერთობათა დეპარტამენტმა.
6. ბრძანება დაეგზავნოს ბსუ-ს ადმინისტრაციის ხელმძღვანელს, ხარისხის უზრუნველყოფის სამსახურს, რექტორის მოადგილეს, ბსუ-ს საბუნებისმეტყველო მეცნიერებათა და ჯანდაცვის ფაკულტეტს, სტრატეგიული განვითარებისა და საგარეო ურთიერთობათა დეპარტამენტს, საფინანსო-ეკონომიკურ დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, სასწავლო პროცესის დეპარტამენტს, იურიდიულ დეპარტამენტს, ბსუ-ს საინფორმაციო ტექნოლოგიების სამსახურს და ნანა მაზმიშვილს.
7. ბრძანება ძალაშია ხელმოწერისთანავე.
8. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქNº30).

რექტორი, პროფესორი



მერაბ ხალვაში

ხელშეკრულება №

ქ. ბათუმი

" — " — " — წ.

ერთის მხრივ საჯარო სამართლის იურიდიული პირი – ბათუმის შოთა რუსთაველის სახელმწიფო უნივერსიტეტი (შემდგომში „უნივერსიტეტი“ ან „ბსუ“), წარმოდგენილი უნივერსიტეტის რექტორის ----- მიერ და მეორე მხრივ ფიზიკური პირი ----- (შემდგომში „სტუდენტი“) ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

ხელშეკრულების საგანია უნივერსიტეტსა და ბსუ-ს საბუნებისმეტყველო მეცნიერებათა და ჯანდაცვის ფაკულტეტის „დიპლომირებული მედიკოსის“ ერთსაფეხურიანი (ინგლისურენოვანი) საგანმანათლებლო პროგრამის (შემდეგში - „პროგრამა“) სტუდენტს შორის ურთიერთობის რეგულაცია.

მუხლი 2. მხარეთა უფლებები და მოვალეობები

- 2.1. მხარეთა უფლება-მოვალეობები განისაზღვრება წინამდებარე ხელშეკრულებით, საქართველოს კანონმდებლობით, უნივერსიტეტის წესდებით, შინაგანაწესით, ეთიკის კოდექსით, უნივერსიტეტის სასწავლო პროცესის მარეგულირებელი სამართლებრივი აქტებით, სწავლის საფასურის გადახდის წესითა და სხვა აქტებით.
- 2.2. სტუდენტი წინამდებარე ხელშეკრულებაზე ხელმოწერით ადასტურებს, რომ გაცნობილია უნივერსიტეტის ვებგვერდზე (ინგლისურენოვან ველში) განთავსებულ ბსუ-ს ეთიკის კოდექსს, ბსუ-ს შინაგანაწესს, ბსუ-ს წარმომადგენლობითი საბჭოს 2019 წლის 22 ნოემბრის №07-01/47 გადაწყვეტილებით დამტკიცებულ „ბსუ-ს უცხოენოვან საგანმანათლებლო პროგრამაზე სწავლის საფასურის გადახდის წესს“ (შემდეგში - „სწავლის საფასურის გადახდის წესი“), ასევე „სტუდენტის უზარვევში“ განთავსებულ სხვა სამართლებრივ აქტებს და კისრულობს ვალდებულებას:
- ა) შეასრულოს შესაბამისი საგანმანათლებლო პროგრამის სასწავლო გეგმის მოთხოვნები და ამ მიზნით, ბსუ-ს სამართლებრივი აქტებით დადგენილ ვადაში გაიაროს აკადემიური რეგისტრაცია (დაარეგისტრიროს სავალდებულო და არჩევითი სასწავლო კურსები) და შეასრულოს სასწავლო კურსების სილაბუსებით გათვალისწინებული სამუშაო;
- ბ) გადაიხადოს უნივერსიტეტში სწავლის საფასური (გაიაროს ადმინისტრაციული რეგისტრაცია) ბსუ-ს სამართლებრივი აქტებით დადგენილ ვადაში და „სწავლის საფასურის გადახდის წესის“ შესაბამისად;
- გ) ისარგებლოს „სასწავლო პროცესის მართვის ელექტრონული სისტემით“/„სტუდენტური პორტალით“/ ბსუ-ს სასწავლო პროცესის ადმინისტრირებისათვის განსაზღვრული სხვა ელექტრონული სერვისებით, რომლის საშუალებით მას მიეწოდება უნივერსიტეტის შეტყობინებები ან/და ინფორმაცია,

სასწავლო პროცესის მიმდინარეობისა და შესაბამისი სამართლებრივი აქტების გამოცემის თაობაზე;

დ) უნივერსიტეტთან კომუნიკაციისათვის (ინფორმაციის, ცნობების მიღება) ისარგებლოს ბსუ-ს ოფოციალური ფოსტით, სტუდენტური პორტალით და პირადი მონაცემების ცვლილების შემთხვევაში წარმოადგინოს ინფორმაცია, მის პირად საქმეში და სტუდენტურ პორტალზე/ელექტრონულ სისტემაში პირად პროფილში ასახვის მიზნით;

ე) გაეცნოს უნივერსიტეტის სამართლებრივ აქტებს (აისახება „სტუდენტის გზამკვლევში“/ განთავსდება უნივერსიტეტის შესაბამისი ფაკულტეტის საინფორმაციო დაფაზე/სასწავლო პროცესის მართვის ელექტრონულ სისტემაში/სტუდენტურ პორტალზე/ კანცელარიასთან არსებულ საინფორმაციო დაფაზე/ უნივერსიტეტის ვებგვერდზე (www.bsu.edu.ge);

ვ) სარგებლობისას გაუფრთხილდეს უნივერსიტეტის ქონებას;

ზ) იყოს დაზღვეული საქართველოს მთავრობის 2020 წლის 10 სექტემბრის N572 დადგენილებით დამტკიცებული პირობების შესაბამისად და უნივერსიტეტის მიერ დადგენილ ვადაში/წესით წარმოადგინოს დაზღვევის პოლისი (მოთხოვნის შემთხვევაში გადაიხადოს უნივერსიტეტის მიერ სტუდენტის სავალდებულო დაზღვევის შესყიდვის საფასური);

თ) ჯეროვნად შეასრულოს ამ ხელშეკრულებით, უნივერსიტეტის აქტებითა და საქართველოს კანონმდებლობით განსაზღვრული სხვა ვალდებულებები.

2.3. სტუდენტს უფლება აქვს:

ა) უნივერსიტეტისაგან მიიღოს საგანმანათლებლო პროგრამის შესაბამისი და ხარისხიანი საგანმანათლებლო მომსახურება, ასევე მონაწილეობა მიიღოს სამეცნიერო-კვლევით საქმიანობაში;

ბ) უნივერსიტეტის სამართლებრივი აქტებით დადგენილი წესით ისარგებლოს უნივერსიტეტის მატერიალურ-ტექნიკური ბაზით, ბიბლიოთეკით, საინფორმაციო და სხვა საშუალებებით;

გ) საქართველოს მოქმედი კანონმდებლობითა და ბსუ-ს სამართლებრივი აქტების შესაბამისად შეუწყდეს ან შეუჩერდეს სტუდენტის სტატუსი, ისარგებლოს მობილობის უფლებით;

2.4. სტუდენტი თანახმა მისი პერსონალური მონაცემები დამუშავდეს ბსუ-ს მიერ, წინამდებარე ხელშეკრულების, სტუდენტების მოზიდვის თაობაზე ბსუ-ს და შესაბამის კომპანიასთან (-----) გაფორმებული მემორანდუმის მიზნებიდან და სხვა კანონიერი საჭიროებიდან გამომდინარე (სტუდენტურ პორტალზე/სასწავლო პროცესის მართვის ელექტრონულ სისტემაში და ან/და სხვა ელექტრონულ სერვისებზე განთავსება და სხვა).

2.5. უნივერსიტეტი ვალდებულია უზრუნველყოს სტუდენტი:

ა) ხარისხიანი განათლებით;

ბ) სამეცნიერო კვლევაში მონაწილეობით;

გ) სწავლისათვის აუცილებელი მატერიალურ-ტექნიკური ბაზით, ბიბლიოთეკით, საინფორმაციო და სხვა საშუალებებით;

დ) უნივერსიტეტის პერსონალის შეფასებაში მონაწილეობის უფლებით;

ე) საქართველოს კანონმდებლობით, „უმაღლესი განათლების შესახებ“ საქართველოს კანონით, უნივერსიტეტის წესდებითა და სხვა აქტებით მინიჭებული უფლებებით.

მუხლი 3. სწავლის საფასური, აკადემიური და ადმინისტრაციული რეგისტრაცია

3.1. სტუდენტის სწავლის საფასური (ერთი სასწავლო წლისათვის) შეადგენს 4 000 (ოთხი ათასი) აშშ დოლარს.

3.2. სტუდენტი ვალდებულია ყოველწლიურად გაიაროს ადმინისტრაციული რეგისტრაცია - გადაიხადოს პროგრამაზე სწავლის საფასური, კერძოდ:

ა) პირველი სასწავლო წლის (ორი სემესტრის) საფასური - უცხოელი აბიტურიენტის ერთიანი ეროვნული გამოცდების გავლის გარეშე ბსუ-ს პროგრამაზე ჩარიცხვის უფლების მოპოვების შესახებ საქართველოს განათლებისა და მეცნიერების მინისტრის ბრძანების გამოცემის შემდეგ, ბსუ-ს აკადემიური საბჭოს 2015 წლის N111 დადგენილების („ერთიანი ეროვნული/სამაგისტრო გამოცდის ჩაბარების გარეშე ბსუ-ში ჩარიცხვა და სასწავლო პროცესი“) მოთხოვნათა დაცვით, წინამდებარე ხელშეკრულების გაფორმებისთანავე;

ბ) ბსუ-ში სწავლის ყოველი მომდევნო სემესტრის (მე-3 სემესტრიდან) სწავლის საფასური - „სწავლის საფასურის გადახდის წესის“ შესაბამისად, არაუგვიანეს მომდევნო სემესტრის დაწყებამდე 2 კვირის ვადაში (თუკი ბსუ-ს რექტორის ბრძანებით სხვა ვადა არ არის გათვალისწინებული).

3.3. სტუდენტის სწავლის საფასურის გადახდისათვის გამოიყენება შემდეგი საბანკო რეკვიზიტები: მიმღების ბანკი - სახელმწიფო ხაზინა; მიმღების დასახელება - ხაზინის ერთიანი ანგარიში; ბანკის კოდი - TRESGE22; მიმღების ანგარიში/სახაზინო კოდი - 7 0901 7289 (უნდა მიეთითოს ასევე: უმაღლეს საგანმანათლებლო დაწესებულებებში სწავლის საფასური; დანიშნულებაში კი - სტუდენტის სახელი, გვარი, პასპორტის/პირადი ნომერი, საგანმანათლებლო პროგრამა);

3.4. სასწავლო წლის/სემესტრის დაწყებისა და დასრულების (აკადემიური კალენდარი), ასევე აკადემიური და ადმინისტრაციული რეგისტრაციის პერიოდი, განისაზღვრება უნივერსიტეტის სამართლებრივი აქტებით, რომელიც ქვეყნდება უნივერსიტეტის ოფიციალურ ვებგვერდზე (ველში „სწავლა“; ინგლისურენოვანი ვებგვერდზე ველში - „განცხადებები“; „სტუდენტის გზამკვლევი“), ასევე ფაკულტეტის მიერ ელექტრონული სერვისების საშუალებით ეცნობება სტუდენტებს.

მუხლი 4. ხელშეკრულების მოქმედების ვადა და სტუდენტის სტატუსი

4.1. წინამდებარე ხელშეკრულება ძალაში შედის სტუდენტის ბსუ-ში ჩარიცხვის შესახებ ბსუ-ს რექტორის ბრძანების გამოცემისთანავე (ამავე ბრძანებაში აღინიშნება სტუდენტის სწავლის პირველი სასწავლო წელი/სემესტრი).

4.2. ხელშეკრულების შეწყვეტის საფუძველია ბსუ-ს სტუდენტის სტატუსის შეწყვეტა;

4.3. შესაბამისი საგანმანათლებლო პროგრამის ვადის ამოწურვისთანავე სტუდენტის უწყდება ბსუ-ს სტუდენტის სტატუსი. გამონაკლისი შეიძლება დაიშვას ბსუ-ს აკადემიური საბჭოს დადგენილებით. უნივერსიტეტის სტუდენტის სტატუსის შეწყვეტის სხვა საფუძვლებია:

ა) პირადი განცხადება;

ბ) სხვა უმაღლეს საგანმანათლებლო დაწესებულებაში გადასვლა;

გ) ერთი და იმავე სასწავლო კურსის სამჯერ გავლა და კრედიტის (დადებითი შეფასების) ვერ მიღება;

დ) უნივერსიტეტის სტუდენტის სტატუსის შეჩერებიდან 5-წლიანი ვადის გასვლა, გარდა საქართველოს კანონმდებლობით გათვალისწინებული შემთხვევისა;

ე) გარდაცვალება;

ვ) საქართველოს კანონმდებლობით, უნივერსიტეტის შინაგანაწესით, ეთიკის კოდექსით და სხვა აქტებით გათვალისწინებული შემთხვევა;

4.4. სტუდენტის სტატუსის შეჩერების საფუძვლებია:

- ა) ადმინისტრაციული რეგისტრაციის (სწავლის საფასურის გადახდა) ან/და აკადემიური რეგისტრაციის (სასწავლო პროცესის ელექტრონულ სისტემაში რეგისტრაციის) გაუვლელობა;
- ბ) პირადი განცხადება;
- გ) ორსულობა, მშობიარობა, ბავშვის მოვლა ან ჯანმრთელობის მდგომარეობის გაუარესება;
- დ) უცხო ქვეყანაში, უმაღლეს საგანმანათლებლო დაწესებულებაში სწავლა (გარდა გაცვლითი საგანმანათლებლო პროგრამის ფარგლებში სწავლისა);
- ე) საქართველოს კანონმდებლობით, უნივერსიტეტის წესდებით ან სხვა აქტებით განსაზღვრული შემთხვევა.

მუხლი 5. სხვა პირობები და მხარეთა რეკვიზიტები

5.1. უნივერსიტეტის სტუდენტის სტატუსშეჩერებული/სტატუსშეწყვეტილი პირის აღდგენის შემთხვევაში იმოქმედებს უნივერსიტეტის უახლესი აქტებით დადგენილი რეგულაცია.

5.2. წინამდებარე ხელშეკრულებით გაუთვალისწინებელ შემთხვევებში მხარეები ხელმძღვანელობენ მოქმედი კანონმდებლობით;

5.3. ამ ხელშეკრულებიდან გამომდინარე დავის არსებობის შემთხვევაში, მხარეთა შორის შეთანხმების მიუღწევლობის შემთხვევაში, სასამართლოში მიმართვის ვადა აითვლება უნივერსიტეტის სტუდენტის სტატუსის შეწყვეტის შესახებ აქტის გამოცემის თარიღიდან.

5.4. ხელშეკრულება შედგენილია ორ ეგზემპლარად, ორივეს გააჩნია თანაბარი იურიდიული ძალა და ინახება მხარეებთან.

5.5. მხარეთა რეკვიზიტები:

„უნივერსიტეტი“

საჯარო სამართლის იურიდიული პირი

- ბათუმის შოთა რუსთაველის

სახელმწიფო უნივერსიტეტი

ქ. ბათუმი, ნინოშვილის/რუსთაველის ქ.

№35/32

„სტუდენტი“

სახელი, გვარი _____

პირადი № _____

ფაქტობრ. მისამ. _____

რეგისტრ.მისამ. _____

ტელეფონი _____

ელ. ფოსტა _____

(რექტორის ხელმოწერა)

სტუდენტის ხელმოწერა _____